

---

**Kuyantika 1** ← Yobi

**Kuyantika 2**

**Kuyantika 3**

**Kuyantika 4**

**Kuyantika 5**

**Kubasika-Levi**

**Kutanga-Kulonga**

**Yozue**

**Bazuzi-Ruti**

**1 Samuele, Bankunga**

**2 Samuele, 1 Bansangu**

**1 Bantotila**

**2 Bantotila, 2 Bansangu** ← Yonasi ←




Photo: [www.freebibleimages.org/Sweet Publishing](http://www.freebibleimages.org/Sweet Publishing) Matondo!



**mce Musoniki: Mama Lorella Rouster. MCE**

*Edition 2022*

Le Projet MWINDA—Ministères pour Chaque Enfant

[ecmafrica@ecmafrica.org](mailto:ecmafrica@ecmafrica.org)

# Mukanda ya Yonasi

Yonasi, Kebisa Ntima na Nge !

Baleso 7 sambu na bana

Musoniki : Mama Lorella Rouster, MCE

## Leso 1. YONASI KE ZOLA TINA NZAMBI

**Malongi ya lesu yai ke monika na :** Yonasi 1 :1-4, Bankunga 139:7-10

### KULONGA MIKANDA YA BIBLE :

Bible kele na bandambu zole : Kuwakana ya Ntama, ti Kuwakana ya Mpa. Kuwakana ya Ntama ke songa beto nde ‘Ngulusi ta Kwisa.’ Kuwakana ya Mpa ke songa beto nde ‘Ngulusi mene Kwisa.’ Mukanda ya Yonasi ya beto ta mona na bamposo yai, yo ikele na kati ya Kuwakana ya Ntama. Yo kele mukanda na kati ya Bapofete ya Sonikaka Mikanda ya Nkufi.

☉ **KIKUMA YA LESO :** Beto zola bana kubakisa nde bo lenda bumbana ve na meso ya Nzambi, yo yina bo lemfuka na Yandi, bo bumba masumu na bo ve, kansi bo ndima mpi yambula yo.

☞ **KUYANTIKA LESO:** Songa mpila bana ya fioti ke bumbana. Bo tula maboko na zulu ya meso na bo, ebuna bo banza nde muntu ya nkaka lenda mona bo ve. Sala mwa-theatre ya ke songa mpila bo ke sala yo. Bana ya fioti ke banza bo lenda bumbana. Bo bakisa ve sambu na nki bantu ya nkaka ke seka bo. Bo ke seka sambu bana yina, bo me bumbana ve ata fioti. Bantu kele kumona bo pwelele. Mutubi mosi ya Nzambi mpi zolaka kubumbana. Yandi zolaka kutina Nzambi. Mambu na yandi kele na mukanda ya Yonasi na Bible, ti zina na yandi vandaka mpi Yonasi.

🏠 **MAMBU YA NENE YA LESO YAI na bandambu 3:**

📍 **Nzambi bingaka Yonasi** Yonasi 1 :1-2

📖 **Tangila bana** Yonasi 1:1-2 na malembe yonso :

*1 Mfumu Nzambi tubaka na Yonasi mwana ya Amitai nde:*

*2 “Nge Yonasi, kanga bima nge kwenda na Ninive, bwala yina ya nene-nene. Kwenda songa bantu ya bwala yina nde mbi na bo me kuma tii na meso na mono.”*

### ? Yula bana

*[Moniteur, na nima kuyula bana bakestio, tendula Ninive vandaka nki mutindu :]*

- Ville ya nene
- Capital ya Kimfumu ya Asiria, ya yalaka bainsi mingi
- Mbeni ya Bayuda (Yonasi vandaka Muyuda)
- Bantu ya kwisaka na kunwanina Bayuda
- Fuluka ya bantu ya mbi ya zolaka ve Nzambi
- Fuluka ya bantu ya sambaka biteki ti bampive ya mbi

👉 **Bana sala bageste to mwa-seneti kusonga nki me salama.**

👉 **Bana yimba ti kina kusonga nki me salama.**

### ② Yonasi tinaka Nzambi Yonasi 1 :3


📖 **Tangila bana** Yonasi 1:3 na malembe yonso.


*3 Yonasi kangaka bima, kansi yandi simbaka nzila na kwenda na bwala Tarsisi sambu na kutina Mfumu Nzambi. Yandi banzaka nde kuna Mfumu Nzambi ta mona yandi diaka ve.*

*Yandi kwendaka na bwala Yafa ; kuna yandi monaka maswa mosi ke zola kwenda na Tarsisi. Yandi sumbaka*


*tike, yandi kotaka na maswa sambu na kwenda nzila mosi ti bantu ya maswa.*

**? Yula bana :**

 **Bana sala bageste to mwa-seneti kusonga nki me salama.**


 **Yimba ti kina kuBana sala bageste to mwa-seneti sambu na kusonga nki me salama.**


**③ Nzambi monaka Yonasi. Yonasi 1 :4**



 **Tangila bana Yonasi 1 :4** na malembe yonso.


*4 Kansi Mfumu Nzambi tindaka mupepe ya ngolo sambu na kunikisa masa ; kitembo mosi ya nene kwisaka kubula na maswa, maswa zolaka kupasuka mpenza.*

**? Kuyula bana :**

 **Bana sala bageste to mwa-seneti kuBana sala bageste to mwa-seneti sambu na kusonga nki me salama.**


 **Yimba ti kina kuBana sala bageste to mwa-seneti sambu na kusonga nki me salama.**

  **Kumanisa Leso:** Na mposo ke kwisa, beto ta mona nki Yonasi salaka na kati ya kintembo yina. Keti yandi fwaka? Beto ta songa yo na mposo ke kwisa.

 **VERSE YA KULONGUKA :** Tanga Bankunga 139 :7-10 ya mvimba. Na nima, bana ta tuba verse 7 :

*139 :7 Wapi mono lenda tina nge (Nzambi)*

*Wapi kisika mono lenda kwenda nde nge mona mono ve ?*

 **Bana yimba :** O masumu (O masumu) O masumu yambula !

 **DEVOIR SAMBU NA BAKRISTO :**

Par l'ONG « Ministères pour Chaque Enfant »

Beto lenda bumbana ve na meso ya Nzambi. Yandi kele kumona beto konso ntangu. Yo yina, mbote bakristo yambula mambu yonso ya mbi ya bo kele kusweka. Mbote beto yantika kulemfuka na Nzambi. Yula kana bo ke na mambu bo me zola kubumbila Nzambi. Bo lenda ndima yo na lombilu, ebuna Nzambi ta pesa bo ngolo sambu bo lenda yambula mambu yina. Yimba diaka : Yesu kele mona nge (mbala 3) Ntangu yai !

**✠ KUBINGA NA YESU :**

Kana nge me yamba Yesu ntete ve, nge mpi lenda bumba yo ve na meso ya Nzambi. Nzambi ke mona ntima na nge. Kana nge me yamba Yesu ntete ve, Yandi kele kutanga nge ve bonso mwana na Yandi. Mbote nge bika mbi na nge ti kwisa yamba Yesu bubu. Kana nge zola yamba Yesu kaka bubu, kwisa vanda na kiti yai (songa kiti mosi) na nima ya Ecodim. Mono ta kwisa kusadisa nge.

=== NSUKA YA LESO 1 ===

## Leso 2. NZAMBI LANDAKA YONASI

**Malongi ya lesu yai ke monika na :** Yonasi 1 :4-16, 2 :1

**KULONGA MIKANDA YA BIBLE :** Tuba diaka bandambu zole ya Bible. Yonasi kele na ndambu ya ntete--Kuwakana ya Ntama. Yo kele na kati ya baprofete ya sonikaka mikanda ya nkufi.

☉ **KIKUMA YA LESO :** Kuzaba nde, ata muntu zola tina Nzambi, Nzambi kele kusosa yandi kaka. Beto meka kutina Nzambi ve, kansi beto kudipesa na Yandi.

### ↔ REVISIO :

Sambu na nki Nzambi zolaka Yonasi kukwenda na Ninive ? (Sambu bantu kuna, bo balula ntima.) Yonasi fweti sala nki na Ninive ? (Samuna bandinga ya Nzambi ta songa yandi.) Sambu na nki yandi zolaka kulemfuka ve ? (Ninive vandaka mbeni ya Bayuda.) Yandi salaka nki ya songaka nde yandi vandaka kutina Nzambi ? (Kwendaka na Tarsisi.)

♥ **VERSE YA KULONGUKA :** *Luka 19 :10 Sambu Mwana-muntu kwisaka kusosa ti kugulusa bantu yina me vilaka.*

☉ **KUYANTIKA LESO :** Songa histoire ya ke songa muntu ya salaka mambu mosi ya vandaka mayele ve. Mbala mingi beto bantu ke sala mambu ya kele mayele ve. Yonasi mpi salaka mambu ya vandaka mayele ve. Yandi zolaka kutina Nzambi !

☞ **Yimba :** Yonasi tinaka Nzambi, O Mawa !

### 🏠 **MAMBU YA NENE NA LESO YAI :**

#### 1. Nzambi tindaka mupepe ya ngolo.

📖 **Tangila bana :** *Yonasi 1 :4*

*Kansi Mfumu Nzambi tindaka mupepe ya ngolo sambu na kunikisa masa. Kitembo mosi ya nene kwisaka kubula na maswa, maswa kolaka kupasuka mpenza.*

### ? Yula bana.

👉 **Bana sala bageste to mwa-seneti kusonga nki me salama.**

☞ **Bana yimba ti kusonga nki me salama.**

#### ② **Bantu ya maswa kuwaka boma.**

📖 *Yonasi 1 :5-6.*

*5 Bantu ya maswa waka boma mingi ; konso muntu yantikaka kusamba nzambi na yandi. Sambu na kukatula ndambu ya kilo, bima yina vandaka na maswa, bo yantikaka kulosa yo na masa.*

*Kansi Yonasi vandaka me kulumuka na nsi ya kibeya ya maswa. Kuna yandi lalaka mpongi ya ngolo.*

*6 Kapiteni ya maswa kwisaka kukuta Yonasi ko kuna. Yandi yulaka yandi nde: "...Sambu na nki nge ke lala mutindu yai ? Telama ! Samba Nzambi na nge. Mbala ya nkaka Yandi ta wila beto mawa, beto ta fwa ve."*

### ? Yula bana.

👉 **Bana sala bageste to mwa-seneti sambu na kusonga nki me salama.**

☞ **Yimba ti kina sambu na kusonga nki me salama.**

#### ③ **Nzambi songaka masumu ya Yonasi.**

📖 **Tangila bana** *Yonasi 1 :7-10*

*7 Ntangu yai bantu ya maswa yantikaka kutubana bo na bo nde : "Beno kwisa, beto buleno zeke sambu na kuzaba kana nani me natila beto mpasi yai." Bo bulaka zeke, yo bwilaka Yonasi.*

*8 Ebuna bo tubilaka yandi nde : "Nge muntu me natila beto mpasi yai. Songa beto nki ke sala awa. Nge me katuka wapi ?..."*

9 Yonasi vutulaka nde : “Mono kele Mu-ebreo...ke sambaka Mfumu Nzambi ya zulu, Nzambi yina salaka banzadi ti ntoto.”

10 Yandi zabisaka bo mpi nde yandi ke tina Mfumu Nzambi. Ebuna bantu ya maswa waka boma mingi mpenza...

**? Yula bana.**

**🕊️ Bana sala bageste to mwa-seneti sambu na kusonga nki me salama.**

**🕊️ Yimba ti kina kusonga nki me salama.**

#### ④ Bo losaka Yonasi na masa.

**📖 Tangila bana Yonasi 1 :11-16**

11 Mupepe vandaka kwisa ngolo mpenza. Yo yina bantu ya maswa yulaka Yonasi diaka nde : “Nki beto fweti sala nge sambu nzadi-mungwa yai kuvanda pima ?

12 Yonasi nde : “Beno baka mono, beno losa mono na nzadi-mungwa. ...Mono zaba mbote nde mupepe yai ya ngolo me kwisila beno sambu na mbi ya mono salaka.”

13 Bantu ya maswa lukaka bankai na bo ngolo sambu na kukuma na mukidi. Kansi bo vandaka kukuka ve sambu mupepe vandaka kunikisa masa ngolo mpenza.

14 Ebuna bo sambaka Mfumu Nzambi na ndinga ya ngolo nde : “Mfumu Nzambi, beto ke bondila nge, kumona beto mbi ve sambu na moyo ya muntu yai, bika beto kufwa ve sambu beto ke losa yandi na nzadi-mungwa. Sambu Nge mosi Mfumu Nzambi, Nge muntu me songa nki beto fweti sala.”

15 Ntangu yai, bo baka Yonasi, bo losa yandi na nzadi-mungwa. Na mbala mosi masa kumaka pima.

16 Ebuna bantu ya maswa waka Mfumu Nzambi boma mingi ; bo

zengaka nde bo fweti sambaka Yandi...

**? Yula bana.**

**🕊️ Bana sala bageste to mwa-seneti sambu na kusonga nki me salama.**

**🕊️ Yimba ti kina kusonga nki me salama.**

#### ⑤ Mbisi minaka Yonasi.

**📖 Tangila bana Yonasi 2 :1**

1 Mfumu Nzambi tindaka mbisi ya nene ya masa. Yo kwendaka kumina Yonasi. Yandi vandaka na kati ya divumu ya mbisi yina bilumbu tatu, mpimpa ti mwini.

**? Yula bana.**

**🕊️ Bana sala bageste to mwa-seneti sambu na kusonga nki me salama.**

**🕊️ Yimba ti kina kusonga nki me salama.**

**🕊️ DEVOIR SAMBU NA BAKRISTO :** Na nki mambu nge me zola kutina Nzambi ? Nge me zola kubumbila Yandi nki mambu na luzingu na nge ? Yandi ke zaba yo dezia. Yandi kele kulanda nge kaka. Sesepiyai, sosa pardo ya Nzambi. Lomba lusadisu na Yandi na mambu yina

**✝️ KUBINGA NA YESU :** Kana nge me yamba Yesu ntete ve na ntima na nge, Nzambi mpi ke zaba yo. Nge lenda bumbila pasteur to bantu ya nkaka. Bo lenda banza nde nge kele mukristo. Kansi mpila kubumbila Nzambi ikele ve. Yandi ke zaba ntima na nge. Yandi ke zaba kana nge kele mukwikidi ya kieleka. Kana nge zola yamba Yesu bubuyai, kwisa vanda awa (songa kisika) na nima ya ecodim, sambu beto lenda sadisa nge.

=== NSUKA YA LESO 2 ===

### Leso 3. YONASI VUTUKAKA NA NZAMBI

**Malongi ya lesu yai ke monika na :** Yonasi kapu 2

**KULONGA MIKANDA YA BIBLE :** Yula bana bandambu zole ya Bible. Yula bo mukanda ya Yonasi kele na nki ndambu. Yula bo nki mambu ya nene beto ke mona na Kuwakana ya Ntama. Yula bo na ntangu ya Yonasi, bantu zabaka nde 'Mesia ta kwisa' to "Mesia mene kwisa' ? (Mesa ta kwisa.)

Kuwakana ya Ntama mpi kele na bandambu--bandambu iya. Ya ntete kele mikanda ya Moise sonikaka. Mikanda ya Moise ke songa mpi bansiku ya Nzambi. Ya zole kele mikanda ya histoire ya Bayuda. Ya tatu kele mikanda ya poesie. Mingi ya mikanda yina kele bankunga. Ya iya kele mikanda ya bapofete ya Nzambi. Mukanda ya Yonasi ikele mosi na ndambu yai ya nsuka--mikanda ya bapofete ya Nzambi. Yonasi mpi vandaka mutubi ya Nzambi.

☉ **KIKUMA YA LESO :** Kuzaba nde beto bakristo mbala mingi ke vilaka nzila ya Nzambi, ke salaka masumu. Kana beno me zaba masumu na beto, beto lenda vutuka na Nzambi. Kana beto ndima ti yambula masumu, Yandi ta yamba beto. Mbote bakristo ya me bwa na masumu kuvutuka na Nzambi.

↔ **REVISIO :** Beto mpi me mona mutubi mosi ya Nzambi ya vilaka nzila. Nzambi songaka yandi kukwenda wapi ? (Ninive, sika bambeni ya bantu na yandi vandaka kuzinga). Kansi Yonasi kwendaka wapi ? (Tarsisi, ya vandaka ntama ti sika ya Nzambi songaka yandi) Nki Nzambi tindaka sambu Yonasi lenda zaba nde yandi me vilaka nzila? (Ntembe ya ngolo na masa) Bantu na maswa monaka bonso bo ta fwa, ebuna na nsuka bo salaka nki ti Yonasi ? (Bo losaka yandi na masa.)

☉ **KUYANTIKA LESO :** Sala theatre na kusonga mama mosi ya vilaka nzila ya mfinda, ebuna yandi monaka mpasi mingi na nzila. Keti beno banza nde mama fweti vutuka na nzila ? Songa yandi, "Mama, vutuka na nzila."

Bubuyai, beto ta mona mpila Yonasi mpi vutukaka, na nima yandi me vila nzila ya Nzambi.

#### 🏠 **MAMBU YA NENE YA LESO YAI:**

#### ① **Nzambi tindaka mbisi sambu na kumina Yonasi.**

📖 **Tangila bana** *Yonasi 2 :1a* [kitini ya ntete]

*1 Mfumu Nzambi tindaka mbisi ya nene ya masa, yo kwendaka kumina Yonasi. . .*

**? Yula bana.**

🕊 **Bana sala bageste to mwa-seneti sambu na kusonga nki me salama.**

🕊 **Yimba ti kina kusonga nki me salama.**

#### ② **Yonasi salaka bilumbu 3 na divumu ya mbisi.**

📖 **Tangila bana** *Yonasi 2 :1b*, [kitini ya nsuka]

*2b Yandi vandaka na kati ya divumu ya mbisi yina bilumbu tatu, mpimpa ti mwini.*

**? Yula bana.**

🕊 **Bana sala bageste to mwa-seneti sambu na kusonga nki me salama.**

🕊 **Yimba ti kina kusonga nki me salama.**

#### ③ **Na sika yina, Yonasi sambaka Nzambi ti ndimaka masumu na yandi**

📖 **Tangila bana** *Yonasi 2 :2-3, 10c*

*2 Kuna na kati ya divumu ya mbisi yina, Yonasi sambaka Mfumu Nzambi, Nzambi na yandi, nde :*

*3 Mfumu Nzambi, ntangu mono vandaka na mpasi, mono bingaka nge, nge ndimaka mono. Kuna na nsi ya bafwa, mono bingaka nge na ndinga ya ngolo, nge waka ndinga na mono.*

*10 . . . mono ta sala mambu yonso ya mono tubaka.*

**? Yula bana.**

**✎ Bana sala bageste to mwa-seneti sambu na kusonga nki me salama.**

**👁️ Yimba ti kina kusonga nki me salama.**

#### ④ Nzambi songaka mbisi kuluka Yonasi.

- **Tangila bana Yonasi 2 :11**

*11 Ebuna Mfumu Nzambi songaka mbisi ya masa na kwenda kuluka Yonasi. Yo yina mbisi lukaka Yonasi na lweka ya nzadi.*

**? Yula bana.**

**✎ Bana sala bageste to mwa-seneti sambu na kusonga nki me salama.**

**👁️ Yimba ti kina kusonga nki me salama.**

☒|☒ **Kumanisa Leso :** Yonasi silaka Nzambi nde yandi ta sala bonso Nzambi zola. Keti mbala yai yandi kieleka ta lemfuka ? Beto ta songa beno na mposo ke kwisa.

#### ✎ **DEVOIR SAMBU NA BAKRISTO :**

Vanda na ntangu ya lombilu, konso muntu kulomba Nzambi na nsi ya ntima na yandi, kulomba pardo ya masumu yonso. Kuvutuka na Nzambi lomba mpi nde beto lemfuka na Yandi. Kana mwana ke na probleme yandi

Par l'ONG « Ministères pour Chaque Enfant »

zola solula, yandi lenda nangula diboko. Na nima ya ecodim, nge ta mona bana yina sambu na kusadisa bo kuzaba nki mutindu bo lenda tina masumu.

#### ♥ **VERSE YA KULONGUKA :**

Yesaya 44 :22, kitini ya nsuka: "Kwisa vutuka na mono, mono muntu ke gulusaka nge."

👁️ **BANA YIMBA :** Nzambi kele sosa nge ! (Mbala 3) Ntangu yai !

#### ✝ **KUBINGA NA YESU :**

Kana bana ya nkaka ke zaba ve ya kieleka nde bo kele bana ya Nzambi kansi bo zola yamba Yesu bubuyai, bo lenda bikala na nima ya ecodim. Songa bo kisika bo lenda vanda. Nge lenda sadisa bo ntete, na nima bakristo ya zola kubika masumu.

===

NSUKA YA LESO 3

===

## LESO 4 NZAMBI TESAKA YONASI MBALA YA ZOLE

**Malongi ya lesu yai ke monika na :** Yonasi  
3 :1-4

☉ **KIKUMA :** Kuzaba nde, ata nge me bwa na masumu, Nzambi zola kutedimisa nge. Yandi lenda tesa nge diaka kana nge ta kaka vutuka na Yandi.

### **KULONGUKA MIKANDA YA BIBLE :**

Reviser: Bible ya mvimba kele na bandambu ikwa? (2)

Bandambu yina kele nki? (Kuwakana ya Ntama ti Kuwakana ya Mpa)

Bandambu ya Kuwakana ya Ntama kele ikwa? (4)

Bana repeter yai na ritima : Moise, Histoire, Poesie, Baprofeti—Ya nda ti ya nkufi.

Yika malongi yai :

Mikanda ya baprofeti kele 17.

Mikanda 5 kele ya ndaa, ya nene; ti Mikanda 12 kele ya nkufi.

Yonasi kele mosi na kati ya mikanda 12 ya nkufi. (Yo kele na kaka bakapu 4.)

**REVISIO :** Na histoire ya beto ke landa, beto me bika Yonasi wapi ? (Na mukidi ya masa, sika mbisi me luka yandi) Nki Nzambi songaka yandi kusala mbala ya NTETE ? (Kukwenda kusamuna na Ninive)

Nki Yonasi salaka ntete ? (Yandi tinaka--lemfukaka ve. YANDI BEBISAKA.) Bana tuba mbala 3: NTETE, YANDI BEBISAKA.

☉ **KUYANTIKA LESO :** Solula ti bana nki mutindu muntu ta monika kana yandi me sala bilumbu tatu ya divumu ya mbisi, ti nki mutindu Yonasi waka na ntima. Muntu mosi sala theatre bonso yandi kele Yonasi na nima ya mbisi me luka yandi na mukidi ya masa. Yonasi vutukaka na Nzambi ntangu yandi sambaka Nzambi na kati ya divumu ya mbisi Par l'ONG « Ministères pour Chaque Enfant »

yina. Bambuka nde yandi tubaka, "Mono ta sala yonso."

☉ **YIMBA :** "Mono ata lemfuka, ntangu yai" (Ton: Yesu azali awa)

### 🏠 **MAMBU YA NENE YA LESO YAI :**

#### ① **Nzambi binga Yonasi mbala ya zole.**

📖 **Tangila bana** Yonasi 3 :1-2 na malembe yonso.

*1 Mfumu Nzambi tubaka na Yonasi mbala ya zole nde :*

*2 Nge Yonasi, kanga bima nge kwenda na Ninive, bwala yina ya nene-nene, Zabisa bantu ya bwala yina mambu yai ya mono ke songa nge."*

? **Yula bana.**

📖 **Bana sala bageste to mwa-seneti sambu na kusonga nki me salama.**

☉ **Yimba ti kina kusonga nki me salama.**

#### ② **Mbala yai, Yonasi ndimaka. Yandi kwendaka na ville ya nene Ninive.**

📖 *3 Na mbala yai Yonasi ndimaka. Yandi kwendaka na Ninive mutindu Mfumu Nzambi tubilaka yandi. Ninive vandaka bwala mosi ya nene mpenza. Muntu fweti sala bilumbu tatu na kuzenga yo nsongi na nsongi.*

? **Yula bana.**

📖 **Bana sala bageste to mwa-seneti sambu na kusonga nki me salama.**

☉ **Yimba ti kina kusonga nki me salama.**

#### ③ **Yonasi songaka bantu ya Ninive malongi ya Nzambi pesaka yandi.**

📖 *4 Yonasi kwisaka kukuma na bwala yina. Yandi salaka kilumbu mosi ya mvimba.*

*Ntangu yai, yandi yantikaka kulonga bantu na ndinga ya ngolo nde : "Na nima ya bilumbu makumi iya (40) Nzambi ta fwa bwala yai Ninive!"*



**? Yula bana.**

✎ **Bana sala bageste to mwa-seneti sambu na kusonga nki me salama.**

👁️ **Yimba ti kina kusonga nki me salama.**

☒|☒ **Kumanisa Leso:** Mawa na bwala Ninive ! Kansi kiese, kiese, kiese na Yonasi, sambu yandi lemfukaka na Nzambi. KETI BANTU YA NINIVE TA WILA DEVOIR SAMBU NA YONASI ? Kwisa na mposo ke kwisa--beto ta mona kana bo ta kuwa mutubi ya Nzambi to ve.

**✎ DEVOIR SAMBU NA BAKRISTO :**

Ata nge me bwa, ata nge me bebisa yina ya Nzambi songaka nge, Nzambi zola tedimisa nge. Yandi zola kutesa nge diaka, kana nge ta kaka vutuka na Yandi.

👁️ **YIMBA:** Ata nge me bebisa (yimba mbala tatu) Vutuka na Yesu!

Lombilu sambu na bakristo ya zola vutuka na nzila: Kana bana ya nkaka kele bakristo, kansi bo zaba nde bo me bwa, bo lenda telema ntangu yai. Tula bo na lombilu.

♥ **VERSE YA KULONGUKA :** Yesaya 44 :22 diaka. Bana tuba yo mbala zole, na nima bana 4 meka kutuba yo bo mosi. Na nsuka, bana yidika ton bo mosi, bo yimba yo.

**✝ KUBINGA NA YESU :**

Kana nge ne ndima Yesu ntete ve, zaba nde, bonso bwala Ninive vandaka na bilumbu 40 kaka me bikala na bo, Nzambi zaba nombre ya bilumbu ya me bikala na nge. Kana nge kufwa bubuyai, nge ta kwenda wapi ? Yesu zola gulusa nge bubu kana nge ta tula ntima na Yandi.

👁️ **YIMBA :** Kwisa na Yesu Kristo ! (Mbala tatu) Nge ata guluka !

=== NSUKA YA LESO 4 ===

## LESO 5 NINIVE BALULAKA NTIMA

**Malongi ya lesu yai ke monika na :** Yonasi 3 :5-10

☉ **KIKUMA YA LESO :** Kuzaba nde, kana ya kieleka muntu me balula ntima, yo fweti monika na bisalu to na luzingu na yandi. Muntu na muntu kudyula keti yandi zaba nde yandi me balula ntima ya kieleka.

📖 **MIKANDA YA BIBLE :** Yonasi ikele mukanda ya tanu na kati ya mikanda ya nkufi ya bapofete ya Nzambi. Longuka mikanda tanu ya ntete yina. Kana bana ikele na Bible, sadisa bana kumona mukanda ya Yonasi.

♥ **VERSE YA KULONGUKA :** *Matayo 3 :8 Beno sala mambu yina ke songa nde beno me balula ntima.*

(Bana tuba yo mbala 5, mutindu na mutindu, ebuna yimba yo mbala 3).

☞ **KUYANTIKA :** Kana muntu tubaka nde, “Me bikala bilumbu 40, Nzambi ta fwa bwala yai, nge ta sala nki ?” Yai ta vanda mambu ya nene.

🏠 **MAMBU YA NENE YA LESO YAI :**

🗨️ **Bantu ya Ninive kwikilaka Nzambi.**

📖 **Tangila bana** *Yonasi 3:5* na malembe yonso.

*5 Bantu ya Ninive monaka nde mambu yai ya Nzambi songaka bo yo fweti bwa mpidina ;yo yina bo wakanaka nde konso muntu lenda kudia kima ve ata mvwama ata nsukami. Bantu yonso lwataka mpi basaki sambu na kusonga nde bo ke na mawa.*

❓ **Yula bana.**

👉 **Bana sala bageste to mwa-seneti sambu na kusonga nki me salama.**

👉 **Yimba ti kina kusonga nki me salama.**

🗨️ **Mfumumu ya Ninive balulaka ntima.**

📖 **Tangila bana** *Yonasi 3 :6-9* na malembe yonso.

*6 Ntangu ntotila ya Ninive waka mambu yina, yandi telamaka na kiti na yandi ya kimfumumu, yandi katulaka lele na yandi, yandi lwataka saki, ebuna yandi kwendaka kuvanda na kisika ya putulu ya tiya.*

*7 Yandi pesaka nsiku na bantu ya Ninive nde : “Na zina ya mono mosi ti na zina ya bambuta yina kele na kimfumumu na mono : Ata muntu mosi lenda kudia kima ve ; bantu yonso, bangombe ti mameme, bo lenda kudia to kunwa ve.*

*8 Bantu yonso ti bambisi yonso bo fweti lwata basaki. Konso muntu fweti samba Nzambi ngolo, konso muntu mpi fweti bikisa banzila na yandi ya mbi ti mambu yonso ya mbi ya yandi ke salaka.*

*9 Mbala ya nkaka Nzambi ta balula mabanza na Yandi, Yandi ta wa diaka makasi ve, mpidina beto ta fwa ve.*

❓ **Yula bana.**

👉 **Bana sala bageste to mwa-seneti sambu na kusonga nki me salama.**


👉 **Yimba ti kina kusonga nki me salama.**

👉 **DEVOIR SAMBU NA BAKRISTO :**

Kana muntu me balula ntima na Yesu, yo ke monika na bikalulu na yandi. (Tuba diaka verse, Matayo 3 :8) Nki mutindu luzingu na nge ke songa nde nge kele mukristo ? Yula Nzambi sesepiyai kana nki mambu ya nge ke sala ya ke songa ve nde nge kieleka me balula ntima. (Kinga sambu na lombilu na nsi ya ntima ya konso mwana.)


👉 **Yimba :** Luzingu fweti changer— Mukristo !

### ③ Nzambi pindulaka mpi mabanza sambu na bo.

 **Tangila bana** *Yonasi 3:10* na malembe yonso.

*10 Nzambi monaka mambu yonso ya bo salaka. Yandi monaka nki mutindu bo bikisaka banzila na bo ya mbi. Yo yina yandi balulaka mabanza na yandi, yandi salaka diaka ve mambu yina ya nene ya yandi zolaka kusala bo.*

**? Yula bana.**

 **Bana sala bageste to mwa-seneti sambu na kusonga nki me salama.**

 **Yimba ti kina kusonga nki me salama.**

**✝ KUBINGA NA YESU :** Kana nge me balula ntima ve, Nzambi mpi ta kufwa nge na bilungu, sambu nge mpi ikele muntu ya masumu bonso bantu ya Ninive. Kansi, kana nge ta balula ntima bonso bo, nge mpi ta fwa ve. Keti nge me balula ntima na Yesu Kristo ?

Yandi mosi me tuba : "Konso muntu yina ta kwisa na mono, mono ta buya yandi ve."  
(Yoane 6 :37)

** Yimba :**

Kwisa na Yesu Kristo (mbala 3) Nge ata guluka !

Menga n'Yandi me lunga (mbala 3) Kukatula mbi!

Balula ntima na nge (mbala 3) Bika Yesu kota !

===NSUKA YA LESO 5===

## LESO 6 NZAMBI SONGAKA YONASI NTIMA NA YANDI

**Malongi ya leso yai ke monika na :** Yonasi  
4 :1-11

☉ **KIKUMA YA LESO :** Kuzaba nde Nzambi zola basielo na Yandi kuvanda na ntima ya mawa ti na luzolo sambu na bantu, mutindu ntima na Yandi ikele. Beto bakristo fweti zola ata bambeni na beto. Beto wila bo mawa, bo lombila bo Nzambi, beto sosa mambote na bo. Beto sosa nde bo guluka.

**MIKANDA YA BIBLE :** Tuba diaka mikanda 5 ya ntete ya mikanda ya nkufi ya bapofete ya Nzambi. Tuba mukanda ya kele na ntwala ya Yonasi ti yina ya kele kulanda yo. Mona Yonasi diaka na kati ya Bible.

🕯 **YIMBA :** Beto Zolana.

♥ **VERSE YA KULONGUKA:**

*Matayo 5:44 Kansi mono ke tubila beno nde : Beno zola bambeni na beno, samba Nzambi sambu na bantu yina ke monisaka beno mpasi.*

(Bana tuba yo mbala 6, mutindu na mutindu.)

🏠 **MAMBU YA NENE YA LESO YAI :**

① **Yonasi vandaka na makasi.**

📖 **Tangila bana :** Yonasi 4 :1-3 na malembe yonso.

*1 Yonasi monaka kiese ata fioti ve mutindu Mfumu Nzambi balulaka mabanza na Yandi, yandi waka makasi.*

*2 Yo yina yandi sambaka Mfumu Nzambi nde : « Mfumu, keti yai kele ve mutindu mono banzaka nde Nge ta sala ntangu mono vandaka diaka na bwala na beto ? Yo yina mono tulaka ngolo na kutina ka mono na bwala Tarsisi. Mono zabaka nde Nge kele Nzambi mosi ke zolaka bantu, ke wilaka bo mpi mawa ; ntangu yonso Nge ke monaka makasi nswalu ve. Nge ke songaka mambote na Nge. Nge ke bikisaka mpi nswalu mabanza na Nge ya kupesa bantu ndola.*

*3 Ntangu yai Mfumu, baka moyo na mono. Kuluta mbote mono kufwa, mono zola zinga diaka ve. »*

? **Yula bana.**

🕊 **Bana sala bageste to mwa-seneti sambu na kusonga nki me salama.**

🕯 **Yimba ti kina kusonga nki me salama.**

② **Yonasi zolaka kaka nde Nzambi kufwa bantu ya Ninive.**

📖 **Tangila bana** Yonasi 4 :4-5 na malembe yonso.

*4 Mfumu Nzambi yulaka yandi nde : “Keti yo kele mbote nge na kuwa makasi mpidiyai ?”*

*5 Yonasi basikaka na bwala, yandi kwendaka kuvanda na sika mosi na ndambu ya este ya Ninive. Kuna yandi yidikaka kamwa-kisika sambu na madidi. Yandi vandaka kuingila na kutala kana nki mambu ta bwa na bwala yina Ninive.*

? **Yula bana.**

🕊 **Bana sala bageste to mwa-seneti sambu na kusonga nki me salama.**

🕯 **Yimba ti kina kusonga nki me salama.**

③ **Nzambi sadisaka Yonasi.**

📖 **Tangila bana :** Yonasi 4 :6-9 na malembe yonso.

*6 Ebuna Mfumu Nzambi menisaka mwa-nti sambu na kupesa Yonasi madidi. Yonasi monaka kiese mingi sambu na mwa-nti yango ; yo katulaka mpasi na yandi.*

*7 Kansi na kilumbu landaka na suka-suka, Nzambi tindaka niama mosi sambu na kwenda kudia-dia mwa-nti yina ; ebuna mwa-nti yongo yumaka.*


*8 Ntangu ntangu basikaka, Nzambi tindaka mupepe ya tiya yina ke*

*katukaka na ndambu ya este. Yonasi zolaka kubwa sambu ntangu vandaka kubula yandi ngolo na zulu ya ntu. Yo yina yandi lombaka lufwa nde :*

*« Kuluta mbote mono kufwa, mono zola zinga diaka ve. »*

*9 Kansi Nzambi tubilaka yandi nde, « Ketu yo kele mbote nge na kumona makasi sambu na mwa-nti yai ? » Yonasi vutulaka nde, « Ya kieleka, mono fweti mona makasi, makasi ya lufwa mpenza ! »*


#### 4. Nzambi longaka Yonasi nki ikele mfunu.

 **Tangila bana** Yonasi 4 :10-11 na malembe yonso.

*10 Mfumu Nzambi nde : “Nge ke mona mawa sambu na mwa-nti yai ya nge me monina mpasi ve. Nti yai kulaka mpimpa mosi, ebuna na mpimpa landaka yo yuma. Nge ve muntu menisaka yo kansi nge ke mona yo mawa.*

*11 Ebuna Mono, keti Mono lenda mona mawa ve sambu na Ninive, bwala yai ya nene-nene, ke na bantu kuluta mile nkama mosi makumi (120,000) bayina me zaba ve kusola wapi mambu ya mbote ti mambu ya mbi, bwala yina kele mpi na bambisi mingi ? Nki mutindu Mono lenda wila bwala yai mawa ve ?”*

**? Yula bana.**

 **Bana sala bageste to mwa-seneti sambu na kusonga nki me salama.**

 **Yimba ti kina kusonga nki me salama.**

#### **DEVOIR SAMBU NA BAKRISTO :**

Beto bakristo fweti vanda na mabanza bonso Nzambi. Beto fweti zola bantu, ata bambeni na beto. Nani kele mbeni na nge ? Nani me pesa nge mpasi ? Ketu nge ta wila yandi mawa ? Ketu nge ta tula yandi na lombilu sesepiyai? (Mwana mosi twadisa ntangu ya bisambu sambu na bantu ya me sala bo


mpasi.) Muntu na muntu tanga zina ya muntu me pesa bo mpasi, ye tuba, "Nzambi, sakumuna yandi." Solula mambu ya mbote bo lenda sala bantu yai na mposo ke kwisa.

#### **BANA YIMBA :**

Na dikanda ya Nzambi, mambu me luta nene, zola ! (Zola me luta nene !)

Na dikanda ya Nzambi, mambu me luta nene, zola ! (Zola me luta nene !)

Bana ya Nzambi, beto zolana.  
Zola me luta nene !

 **KUBINGA NA YESU :** Nzambi zola nge mingi. Yandi zola ve nde nge mona mpasi na bilungi. Kansi bonso bantu ya Ninive, nge fweti balula ntima. Ketu nge ta balula ntima na Yesu Kristo bubuyai ? Kana nge zola solula mambu yai, kwisa vanda na sika yai [Moniteur, songa kisika] na nima ya ecodim.

=== NSUKA YA LESO 6 ===

## LESO 7 BETO YINDULA DIAKA SAMBU NA YONASI

**Malongi ya lesu yai :** Revisio ya mukanda ya Yonasi ya mvimba, kapu 1-4.

☉ **KIKUMA :** Kuzaba nde Nzambi zola bantu yonso kubalula ntima, ebuna beto tula bavidi na lombilu mpi zabisa bo nsangu ya Yesu.

### ♥ VERSE YA KULONGUKA :

*2 Piere 3 :9 Bantu ya nkaka ke yindulaka nde Nzambi me sukinina na kusala mambu yina ya Yandi silaka, kansi mpidina ve. Nzambi ke kangaka ntima sambu na beno, sambu Yandi ke zolaka ve nde ata muntu mosi kuvila ; kansi Yandi ke zolaka nde bantu yonso kubalula ntima.*

(Tuba yo mbala 6, mutindu na mutindu.)

**MIKANDA YA BIBLE :** Yindula diaka bimvuka ya mikanda na Kuwakana ya Ntama--Mikanda ya Moise, ya Histoire, ya Poesie, ya Baprofete ya Nzambi, ya ndaa ti ya nkufi. Bambuka nde Yonasi ikele mukanda na kimvuka ya nsuka--mikanda ya nkufi ya baprofete ya Nzambi.

☪ **YIMBA :** Ton : Nkunga ya Lingala 'Fungula ntemo a yo Yesu akota kuna' Na Kituba : 'Balula ntima sambu Yesu ta kota kuna')

☞ **KUYANTIKA LESO :** Songa tiya. Yula nani zola tula musapi na kati na yo. Muntu ve.

👑 **MAMBU YA NENE YA LESO YAI :** Nzambi zola ve nde bantu mona ndola na tiya. Yandi zola bo yonso kuguluka. Yo yina---- (Bana repeter konso phrase ti sala bageste mbala tatu.)

**-Yandi songaka Yonasi kusamuna na Ninive.**

**-Yandi sosaka Yonasi, ata Yonasi tinaka Yandi.**

**-Yandi tesaka Yonasi diaka, sambu yandi lombaka ndolula.**

**-Yandi lolulaka Ninive, sambu bo balulaka ntima.**

**-Yandi longaka Yonasi mutindu Yandi ke zolaka bantu.**

⇐ **NSAKA YA REVISIO :** Sonika na bapapiers na bisono ya nene mambu ya nene ya salamaka na mukanda ya Yonasi, mambu mosi na konso papier. (Kana muntu ke ngolo kudessiner, yika badessin ke songa nki salamaka.) Balula bapapiers sambu yo kele na ndonga ve. Pesa papier mosi na mwana mosi, tii yo mana. Ebuna bana fweti tula bapapiers yina na ndonga, bonso na ordre yo salamaka. Bana ya nkaka songa kana bo me sala mbote to ve.

Mambu kusonika na papiers :

- Nzambi songaka Yonasi kukwenda na Ninive.
- Yonasi tinaka Nzambi.
- Yonasi kotaka na maswa.
- Nzambi tindaka ntembo.
- Bo losaka Yonasi na masa.
- Mbisi ya masa minaka yandi.
- Yonasi sambaka Nzambi ti balulaka mabanza na yandi.
- Mbisi lukaka Yonasi.
- Nzambi songaka Yonasi mbala ya 2 kukwenda na Ninive.
- Yonasi samunaka na Ninive.
- Bantu ya Ninive balulaka ntima na bo.
- Nzambi wilaka Ninive mawa.
- Yonasi vandaka makasi sambu na mambote ya Nzambi na bantu ya Ninive.
- Nzambi tindaka nti yo yela nswalu kufika Yonasi.
- Nzambi tindaka niama sambu nti kufwa.

- Nzambi songa nde Ninive kele na bantu 120,000 ya ke zaba ve mbote to mbi.

⇐ **REVISIO YA BAVERSE:** Pesa bacarte ya baverse na bana mosi-mosi. Mwana mosi telama, kukonda kusonga verse yina, yandi tanga to tuba ndambu na yo. Ntangu yandi bika, bana ya nkaka na kimvuka fweti manisa kutuba verse yina.

**DEVOIR SAMBU NA BAKRISTO:**

Nzambi zola bantu yonso kuguluka, kansi bo ta guluka kaka kana bo balula ntima. Beto bakristo tula bo na lombilu, ye beto songa bo nsamu ya Yesu. Sesepiyai, yindula mazina ya banduku to bampangi zole ya zaba Yesu ve. (Tula bo na lombilu.) Kana mpila ikele, pesa bana papier sambu bo sonika bazina yina, bo bambuka kutula bo na lombilu konso lumbu. (Pesa bana encouragement na kubinga bantu yina na ecodim to na kusionkila bo.)

✚ **KUBINGA NA YESU :** Nzambi zola bantu yonso kuguluka, kansi nge ta guluka kaka kana nge tula ntima na Yesu Kristo. Kana nge zola lusadisu na mambu yai, sosa mono na nima ya ecodim bubuyai. Mono zola sadisa nge.

☛ **YIMBA :** Kwisa na Yesu Kristo (3 fois)  
Nge ata guluka !

=== NSUKA YA LESO 7 ===

**NB: Atasio, longi!**

Ntangu yai, nge me manisa kusadila baleso yai. Baleso ya mpa ke kinga nge na Centre des Matériels ya MCE, sika nge me defa baleso yai. Mabundu ya nkaka mpi ke kinga kudefa baleso yai sambu bo mona mpila kulonga bana na bo. Ntangu yai, vutula materiels yonso na sachet ti vutula yonso na Centre des Materiels ya MCE. Merci mingi sambu na collaboration ya nge !